



Selasa, 13 Agustus 2023

Ogen : Amos 5: 21-24



Kebujuren Erburak Desken Lau

Sumbul



"Sipentingna kami nggo ersembah baNdu Tuhan ras mereken persembahen kami man baNdu, engkai ka makana cerewet naring Tuhan e?". Mungkin si enda me turah i bas perukuren piga-piga jelma si nggeluh i bas zaman Nabi Amos asum megiken Kata Dibata ibas Amos 5:21-24. Uga ningen lang? adi siperdiateken maka kalak Israel tutus ersembah, mereken persembahen, muji Tuhan alu ende-enden. Kai nari kurangna? Engkai maka Tuhan ngatakensa maka ciga ateku, gejek kuakap, la kualoken persembahenndu, la ateku megiken sora kulcapindu? Kepeken jabapenna eme i bas ayat 24, ija kai si teridah saleh, bujur lalit dampakna nandangi sikap geluh i bas tep-tep warina.

Labo terjeng erdua ukur erkiteken isembahna ka gana-gana (ay.26) tapi uga kegeluhenna nandangi kalak si deban (ay.11-12). Emaka nina Tuhan, bahanlah maka keadilan erburak-burak desken lau sumbul dengen kebujuren desken lau belin si la pernah kerah. Adi bage kin, payo tuhu adi Tuhan e cerewet sabap dalam si idalani bangsaNa e salah ras lepak. Tuhan cerewet guna memastiken maka dalam si ibuat bangsaNa eme dalam si payo ras tuhu sue ras sura-suraNa.

Tuhan labo bagi kalak si nggit ngaloken sogok. Lang! ate Tuhan segelah kita mpersembahken dirinta, ukurta sepenuhna man baNa. Labo setengah hati man baNa janah setengah nari guna ate-ateta saja si bertolak belakang ras kai nuate Tuhan. Sepenuhna dirinta e me ibadah si sejati ta man baNa.

Ibadah bukan hanya bagian dari kehidupan Kristiani, tetapi itu adalah kehidupan Kristiani (Gerald Vann)

✎ Kiniteken teridah arah perbahenen

